



Porirua Development

Te oronga nei matou tetai tuanga moni ei turu i te akamatutu i te turanga are oko mama mai i roto i te oire Porirua.

Koai te HLC?

Na te HLC e rave akatinamou ana i te parani'anga e te raverave'anga i te akatu'anga o te au ngutu'are ou, ma te rave kapiti i te reira i te patana'anga atu ki Te Ngutu'are Nu Tireni, e tetai au kamupani paraivete akatu ngutu'are, no te akatu'anga o te ngutu'are kavamani, to te makete, e te au ngutu'are mama mai i te tutaki. Ko Te Ngutu'are Nu Tireni Corporation te ona o te HLC. Kua akamata'ia te kamupani e 12 au mataiti i topa ake nei, no te akara akanoonoo i te akamaata'ia anga te Hobsonville Point i te tua tokerau parapu o Akarana.

Ko te anga'anga a te Porirua Development tetai o te maata'anga o te au putunga anga'anga ta te HCL ka raverave, e pera katoa te au porotieke anga'anga i Akarana e rave'ia ra i Northcote, i Mangere, i Mt Roskill e pera katoa i Oranga. I runga atu te akakoro'anga ta te HLC e akakoro nei i to te akatu au ngutu'are ua. Ko te akakoro'anga o te kamupani, ko te akatu i te au ngutu'are meitaki ua atu ei no te noo ki roto – no te au uki o teia tuatau e te au tuatau ki mua.

Eaa te tupu nei?

Ka akaou matou, me kore ra, ka pa'u matou e 2,000 au ngutu'are o te kavamani i Eastern Porirua, ma te maani ei au ngutu'are maana, maro ua e te tau tikai no te noo ki roto.

Ka akatu katoa matou mei te 2,000 au ngutu'are akaou mai te ka mama mai i te tutaki, e te au ngutu'are maketi, ma te au ngutu'are katoa o te KiwiBuild.

Eaa te au mea puapinga te ka rauka mai?

Ka maata atu te au ngutu'are turanga teitei tikai, e te mama katoa mai i te oko.

Ka anga'anga kapiti matou ki te Konitara Oire o Porirua no te akameitaki atu i te au mataara, te au pāka, e te au nga'i va ua, ei nga'i noo ma te tau meitaki e te mama no te iti tangata, me aravei ratou.

Ka maata atu te au tuatau tau no te au anga'anga va ua, no te au tereni'anga, e te akatupu'anga i te au anga'anga pitiniti.

Mei tea'a te tu o te au ngutu'are kavamani?

Ka maata te au tu ngutu'are turanga tuketuke te ka akatu'ia ki te reira nga'i, te ka parani akanoo'ia no te au kopu tangata turanga tuketuke. Mei te au ngutu'are okotai ua pia moe, ki te au ngutu'are e rima au pia moe no te au kopu tangata, te ka akaporotito'ia ma te tu okotai rai i te reira nga'i, e pera katoa te au apatimani. Tei roto katoa i reira tetai tuanga iti no te akono'anga e te tuanga mama mai i te tomo ki roto.

E tau'taunga au no Te Ngutu'are Nu Tireni. Ka akapeea i reira au?

Ka anga'anga kapiti atu te pupu Tenancy Liaison o Te Ngutu'are Nu Tireni kia koe, no te tuku'anga ia koe ki roto i tetai ngutu'are ou akaou mai, ma te turuturu ia koe e tae ua atu koe ki toou ngutu'are ou. Ka anga'anga pakari matou no te tuku atu i te iti tangata ki roto i te au ngutu'are te ka tau no ratou, ma te akamaara i to ratou au atui'anga ki te oire, te au putuputu'anga turuturu ia ratou, e te au nga'i apii.

E au ngutu'are ainei tetai te ka mama i te oko?

Ae, e maata atu te au tuatau tau no te iti tangata i te oko ngutu'are mama mai te oko e pera katoa to te KiwiBuild.

Ka akapeea no te au oire-tangata e noo nei rai?

Ka anoano matou i te turanga meitaki maata no te tu'anga ia Eastern Porirua, e no reira, ko te iti tangata tetai tu'anga puapinga o teia akamaata atu anga o te oire, e te pati atu nei matou kia piri mai koe ki roto i te akanoonoo akatano'anga i te oire no te tuatau ki mua.

A'ea te anga'anga e akamata ai?

Ko te akamata'anga o te anga'anga raverave rima, kua tamanako'ia e, a te mataiti 2019.

Ka akapeea au i te piri atu anga ki roto?

Ka anoano matou i te iti tangata o te oire e, ko ratou te tumu maata o ta matou parani'anga, e no reira, ua atu e, e tangata noo tinamou koe ki konei, e tangata ona pitiniti koe, me kore ra, e mema no tetai putuputu'anga i roto i te oire, ka anoano matou kia rongo ia toou au manako.

Ka akapeea au e kite ei i tetai au mea ke akaou mai no teia?

Atoro'ia atu te roro uira atuitui: Poriruadevelopment.co.nz

No te uiui au ui'anga no te au ngutu'are Kavamani, taniuniu atu te Housing New Zealand Tenancy Services i runga i te numero 0800 801 601.